

РУСКИ НОВИНИ

ЗА РУСИНОХ У КРАЛЬОВИНИ СХС

Рок III.

Нови Сад, субота 3. априла 1926.

Число 69.

О богатству

О богатству нашей держави велько ше писало. Хто верел и не росудзовал о тим писаню, обчековал, же ше того богатство на фришко укаже швету, и же чежки обставини газдовски, до яких зме по войни ступели, пред кратке време страца свой щлід. У богатей держави легчайше и поединим. У богатей держави баржей идзе тарговина, баржей ше зароби, по богато ше живе. Но у тим ше состої богатство держави, же у ней есц надосци шицкого, цо людзом треба. Не чудо да克ле, же велько людзох обчековало, же богатство нашей держави на себе обача.

Но у тим ше спрведли. Видзиме, же у газдовству цо далей, приходза вше чежши часи. Богатство держави состої у тим, кельо у ней ёст ствари, яки потребни людзом за живот. До стварох, з которима закриваме потреби нашого живота, приходзиме з газдованьем, а газдоване и ёст старане за нашо животни потреби.

Три су творителі (факторы) газдования: робота, капитал и жем и дошицких газдовских доброх доходзиме ми през тоти творителі газдования.

Почніме од жеми. Жеми у нашей держави и баш плодней и красней жеми ёст велько и надосци. И баш на жем найвецей думаю тоти, которим полни уста о богатству нашей держави. Но дораз увидзиме, же то ище мало за богатство ёдней держави.

Як стойме з роботу? У нашей держави ёст велько народу, вредного и до роботи валушного. А чи роботна моц того народа вихаснована? Хто лем дакус позна поедини краї нашей держави и способ жига- вата у нїх, дораз увидзи,

же роботна моц народа у нашей держави ані з трецим часци ше не хаснє так, як у просвищених, вельких европских державах.

А капитал? Ту є тата найчежша точка у газдованю нашей держави. Чи мы маме добра, котори нам дава робота и жем, и котори ми не хаснє такой за нашо потреби, але з которима ми твориме дальши добра за нашо животни потреби? З другима словами: чи мы маме капиталу? Чи маме машини, фабрики, орудия и иньше? Чи маме насгартано злата, або иньшого капитала, за котори зме годни добиц добра, яки случайнно нет и яких не мож продуцирац (виводзиц)

Того, ето капиталу мы немаме и зато не може буц бешеди ище за тераз о богатству нашей держави. До того капиталу ше приходзи лем зос витирвалим и мудрим газдованьем и лем после длугого времену. През капиталу не мож ані жем вихасновац, як треба. И мы видзиме, же жем ані з далека не так вихаснована у нашей держави, як би ше ю могло хасновац. Ані трецину не видава того, цо би могла видавац. А чи наш руски народ хаснє так жем, як нашо сушеди Шваби? Ясно, же не. А чом? Шваби укладаю капитал до жеми, а наш народ, гоч и дойдзе дакус до пенежох, такой понагля далей жем куповац, а нема обычай пенеж уложиц до статку, до гною, до хмелярох, до виніцох. А ипак на тот способ бы з меньшим трудом, а з розумним вихаснованьем своей жеми, на легко до велького богатства пришол.

Едну особито вельку важносц ма бобатство держави за ёй гражданох.

На ўсце капитал не

позна державни граніци. Особито пенежи. Банкарэ тамаль руцаю пенеж, дзе им найвецей хасну то ест найвецши камат принесе, але віше лем там, дзе су за нъго сигурни, же не препадне. Так на приклад зос Америки войдзе до нашей держави зос пожичку ёй пенеж, а за тот америкањски пенеж ми купуєме у Америки машини и иньше, цо нам треба. То так на концу видзе, як да зме пожичели машини и иньше. У фабрикох, цо ше на та-ки способ створя, преробюе ше у нашей держави материял, яки добиваме зос жеми, робота ше у жеми повекшава, добра ше множа и богатство рошне.

Но ище ше длugo начекаме на време, док ше зос других богатых державах

ВИХОДЗА раз у тижню.

Цена на цалц рок 100 Динари.
На $\frac{1}{2}$ рока 50 Динари.

Рукописи и други писма треба послац на адресу:
"РУСКИ НОВИНИ" НОВИ САД
Бојовићева улица број 2.

Претплату на РУСКЕ-НАРОДНЕ ПРОСВИТНО ДРУЖТВО, РУСКИ КРСТУР (Бачка).

будзе капитал укладац у нашей держави. Ище у нас барац несигурни политически обставини, да би ше тоти, котори располагаю зос великом капиталом, ошмемели, до нашей го держави уложиц. Розуми же тому виновати нашо политичаре, котори як да ше мало стараю о обогащению держави.

Но ми не треба, да чекаме на державу. Уж веци раз була наруцена идея о рускай пенежней институциї. На тоту идею не треба забуц. Нет моцнейшей организації од организації капитала. Кед тоту идею порозуми наш народ, и кед ю приведзе до дїла, теди зме наисце годни не одлуге време бешедовац о богатству нашего народа.

М. В.

У НАШИМ ОТЕЧЕСТВУ

ПОЛИТИЧЕСКЕ ПОЛОЖЕНИЕ

Афера Пашич-Стоядинович погоршела положение влади. Видно то уж зос того, же до Београду пришол Аца Станоевич, котори приходзи лем теди кед политическе положение чежко. Аца Станоевич зос Пашичом єдини живущи член од основательюх радикальной партиї и Пашич другоме нікоме не вери. Понеже конечно буджет уж вигласани на 30 того мешаца, то ше очекую по фришко за тим вельки пре-менки. У новинох ше бешедуе, же би могло прийсц до новей коалиционай влади, у котрой би бул Нинич предсидатель.

ПРЕПАТРЕЛ ПО 10 РОКОХ

Славни лїкар у Београду Др. Драг. Костић, оперирали тих дњох Милана Ратковича, котори од 1916. року бул цалком шлепи. Раткович бул при веліх докторох у Бејчу, Загребу. Любляни але шицко бу-

ло задармо. Кед препатрел, гваря, же бул таки радосни, же думали да чловек од радосци у розуме не похиби.

ПРЕДАВА СВОЙО КРАЉЕВСКО ПРАВО

Найстарши син бившого краля црногорскога Николи пита од београдской влади 2 милийони дин. на мене одчкодзеня за краљевски пристол. Тераз вон то сквојо право предава даедним американским капиталистом най би му вони виплацели туту суму, па най од београдской влади гледаю одчкодзене.

137 ПРОЦЕСИ НА ДЗЕНЬ

Прешлого тижня отриманоу Београду 137 процеси у једним днju и то понайвецай пре длуство. Смутни факт, же векшина оптуженниках державни урядници.

НЕЩЕСЦЕ ОД ШКАТУЛЬКИ

Зос Мостару явљаю, же 9 рочни хлапец Никола Луцич бавел ше зос шкату-

лями од сардинох на тот способ, же их напольнивал зос карбидом и закоповал до жеми, да експлодирао. Медзитим ёдна шкатуля експлодирава скорей як ю закопал до жеми и хлапцови вибила обида ока а крем того достал рани и по цалим целу.

ПУТ ЙОГО ВЕЛ. КРАЛЯ

У априлу мешацу Його Вел. Краль отптуе до Енглескай а зос Лондону до Риму у тей нагоди нацивел би и св. оца Папу. Скорей ма наш министер Нинчич ушориц одношения нашей держави зос Ватиканом. Гутори ше, же би Краль теди потписал и конкордат.

ПОЛИТИЧЕСКА АГИТАЦИЯ

Лю. Давидович в недзелью отримал вельки поли-

тически збор у Панчеву а С. Прибичович у Ст. Пазови.

ПЛЯЧКА У ЦЕРКВИ

У банатским валале Клек оплячкали злодіє катол. Церкву. Зос олтара однесли чашу и велько другей стриберней судзини.

АЖДАЯ (ШАРКАНЬ) У БОСНИ

При валалу, Боланич у Босни находзи ше озеро „Джомба“. Пред даскельо днями зачули ше гласи зос нього ягод труби на ладью, котри ше чую 4 килом. далеко. Вельки страх пануе медзи народом. Вишла и комесия да утверди, цо то але не могли до тераз ніч констатирац.

ЧИТАЙЦЕ „РУСКИ НОВИНИ“

Слунко и планети

Як зме уж спомли слунко не мирне. Будзе то дакому чудне, але то правда. Жем и други планети више ше обращаю коло слунка. Слунко ведно зос жему и зоз другими планетами леци више далей и далей. През ёден рок прейдзе слунко зос жему и планетами драгу од 375 милийони километри.

Зос слунка вибухуе горучава на шицки ствари ёднак. Горучава то барз велька на слунку, а од ней лем 2.300.000.000 часточка приходзи на жем. Од тей горучави и шветлосци цо просто на жем идзе од слунка приходзи лем 12 процента а гевто ше траци по воздуху, а кед би ше не трацело, та би

слунко 8 раз баржея граво, як греб, а при тому би не мож було жиц на швеце. Ученяци гваря, же кед би зме мали таки вельки фалат найлепшого углю як слунко, и кед би зме го нараз запалели теди би тото угло аж за 4600 роки дало тельо горучави як, цо тераз вида слунко у каждой ёдній минути. Слунко дава у ёдній ёдиній секунди осем раз тельо горучави, кельо би зме добили да шицко угло цогод го вст на жеми, нараз горчи. Слунко ше покус охладзуе и помали ше зменьшує. Ми не видзиме як ше воно зменьшує, бо ше барз помали зменьшує так, же би ше могло видзіц аж о езри

шедла медзи людзох? Више лем леци и леци и застрашуб и людзох и жвири. А чи сце видзели кед лецела, же не було видно ані ёдного тацка у воздуху, а пише у книжко, же тацки и жвини скорей осетя нечисного як чловек. Зато и посцекало шицко пред крилатицу зос воздуха. Не читал сом у книжкох, но ище покойни мой сушед — ша знали сце го шицки — Кервель, а бул то чловек на своїм месце, гуторел, же то велька тайна, чом жвири шицки скорей осетя од людзох. Вон ми обещал, же ми туту тайну пове, кед ше остарам за його погреб, бо знаце, же вон немал нікого свогого. Кед сом му обещал, вон ше накашлял и почал:

Гибай, сину, бліжай, да ніхто не чуе! Ти зос туту тайну будзеш мудри, ба наймудрейши у валале

Но гуторце!

Мир! Не шмеш буц любопитни, бо любопитносц

роки. Не треба нам, ше зато бац, же ше фришко охладзи слунко а по нім и жем, то би требало милийони и милийони роки.

Не досц би зме поведли о слунку, кед би зме не спомнүли голем зос даскельома словами планети, котри коло слунка обрацею кажды по свой драги. И наша жем ёден таки планет. Кед би зме могли пойсц на слуню и отамаль патриц на планети як ше точно обращаю коло слунка, лехчайше би зме могли порозумиц шицку тулу науку.

Найбліжа планет нашому слунку вола ше Меркур. Вон далеко од слунка 58 милийони километри. Чежко го можеме видзиц, кед слунко шицки. Най-

ліпшайше говидзиме рано пред виходом слунка або вечар по заходу слунка. Меркур обідзе около слунка раз за 88 дні, 23 годзини и 12 мин. Осовина його ма 4.440 кілом. Вон добива 6 раз вецицеплоти од слунка як паша жем. Друга планета котра обходить слунку вола ше Венера або у нас „Зорнічка“. Вона найшматлійша гвізда на небе. Вона найподобнійша нашай жеми. Лем кус в меньша од жеми. Осовина ма 12.610 кілом. Од слунка в 108 милийони кілом. далеко, а раз обідзе коло слунка за 225 дні.

За зорнічком підходзи наша жем. Но о ней зме уж бешевдовали.

(Далей будзе.)

Широм света

Румунія

КРИЗА ВЛАДИ

Влада Братянова придала оставку. Краль гу себе зволал опозиціональни странки и питал од ніх най му придаю кожда своїх кандидатох.

Греческа

ВІБЕРАНКА ПРЕДСИДАТЕЛЯ

Дотерашній предсідатель греческій Республіки Кондурийтис подзековал, бо го на то нагнал терашній диктатор Пангалос, котри сце достац шицку власц до своїх рукож. На 4. априла маю ше одбуц віберанки за нового предсідателя, але то лем формалносц, бо Пангалос так ушорел, же лем вон може буц вибрани.

Кіна

ПРЕД ГРАЖДАНСКУ БІТКУ

У Кіні з дня на дзень положение постава више горшое. Ца-

ла Кіна подзеленъ на два часци. Ёдни и други маю свой присташох. При главним варону Пекінгу обчекуе ше, же приде до отворених біткох.

Русія

СЛАВНИ ГЕНЕРАЛ БРУСИЛОВ УМАР

Познати руски генерал Брусилов недавно умар у Русії. Вон ще преславел у світовій війні и року 1916. пребил аустроіскі фронт та заланел 400 тисяці аустр. войска. Року 1919. приступел гу большевіком и водзел іх войску проція Полякох.

Япон

ВЕЛЬКИ ОГЕНЬ

У главним варону Япону вибух огень, котри унічожел 800 домох. Веци як 7.000 людзі остали без кровя. По великам нещесцу, котре ирецерцел тот варону по трешеню жеми то нове нещесце.

Яке? То вам я не можем за близовно повесц, але може присц колера, глад, суша або потопа або война. Но найскорей война. Як цо тацки шицки зос воздуха посцекали од крилатици, так буду и людзе сцекац не лем од ней але и чловек од чловека.

Леси буду полни людзох а ёден другого не увидзи.

А чом би баш война була?

Не знаце? Ша у войни ше сцека! Но да не думаце, же я на войну лем так у свой глави дошол, цо шка вам повем. Читал сом у новинох, же гвіздознанци пророкую, же ше будзе тих дньох — ше ми видзи же нешкя першираз — відзіц гвізда с хвостом (репатица, комет.) А цо то ма значиц? Ніч веци як войну, питайце ше найстаршим людзом у валале, па учуюце. Дідо Сумчов зна, бо ше и пред пруску войну указала така гвізда.

Да, да! То и ми чули од

ФЕЛЬТОН

Цо людзебешедую...

Недзеля по поладню. Як више так и того красного дня ше швет разгварял на драже о газдовству, о порційох и о крилатици, хто рах тих дньох над валалом преленела.

Я думам, же то не будзе добре — гуторел бачи Дюра, хто рах ше виношел за наймудрейшого хлопа у валале.

Чом ви то думаце? — питали ше людзе.

Та знаце чом! Я читал у книжкох, же ми ище од покойного діда остали, же на швет и народ придуе вельке нещесце док буду над нами лётац вельки но не живи тацки. Тоти тацки то нечиста робота, робота диявола. А ето, чом то тераз не так? Чи то не таки тацки тата крилатица? А чом би до ней сцела шедніц кресцена душа? Боме не! А хто ю видзел, же дараз

чкодзи у живоце барз велько. Но добрэ, я слухам!

Не думам, же того, цо ци повем, же я видумал. Я то чул од свой покойней матери, а вона од свойого мадістра, хтори бул барз учени и шицко добре и за близовно знал. Тот мадістер гуторел, же перши людзе шицко знали и шицко добре видзели и чули, бо ше не штригали. Вони чули и як на мешачку граю. То ми нешкя уж не можеме чуц, але тацки и жвири чую.

Но сушед, жени би ипак мушели чуц, ша вони ше не штригаю! — одповед я Кервельови.

На того ми вон не дал одвит бо ше закашлял и умар.

А чом ви то, бачи Дюра, верице? — озвал ше Штефан.

Як да не! Лем ме тоти жени муча!

Зохабце ви жени, па нам поведце, яке би то могло зло на швеце настац?

**Швайцарска
КОНФЕРЕНЦИЯ ЗА РАЗОРУ-
ЖОВАНЕ**
Медзинародна конференция,
котра ше мала отрицац 18. мая

у Женеви одложена на 2 роки.
Причина томе вельки разлики
поглядох зос страни Францус-
кей, Италиї и Япони.

ЗОС НАШИХ ВАЛАЛОХ

Рус. Керестур
ХВИЛЯ

Стреду и штварток пре-
шлого тижня попадовал
красни диждик, котри барз
хасновити за шицко. Пи-
яток ше указало красне
слунечко котре уж так не-
церпезліво шицки чекаме.

Шаца досц красни, лем
би требало цепле време, да
ше можу развивац.

НАПРЕДОВАНЕ ВАЛАЛА

Керестур ше помали дзви-
га. Уж мame аутобус, котри
трираз на дзень вожи до
Кули за 25 дии, там и на-
зат, а раз аж до Вербасу.

Далей мame радио, котри
нам дава красни ужитки.
Надалей мame и кино, па
кед ше сцеме дакус отресц

бригох и думкох, мame згоду
пойсц ше позабавиц.

СВ. ПРИЧАСЦ

Прешлого тижня ше ви-
споведали школски дзеци:
котрих було коло 280. Ми-
ло було патриц, як вони
весело приступійовали ка-
жде рано гу св. Причасци.

НОВИ ДИРЕКТОР ШКОЛИ

Министерия Просвіти и-
меновала за директора шко-
ли у Керестуре дотераш-
нього заменника и учителя
п. Шандор. Винчуєме му
шчешліво на тим чејким
и одвичательним месце! Най
його дівствоване будзе и у
будучносци як цо було до
тераз на ползу руского на-
роду. На многоя!

йох. Мушиме ище юно при-
знац, же одбор мал особено
красни укус у вибераню про-
грама. Українську церковну гим-
ну одшивало шпивацке дру-
гство „Бранімир“ зос пратню ор-
кестра. Гоч неможеме, бо и не
шмеме ганіц остали концертни
точки, алб то була близовно
найкрасша точка и найкрасше
виведена. Крем тей, було ище
три концертни точки, медзи
німа и: Бортнянски: Сей день.
Од бешеднікох наступели п. о.
др. Велімир Дежелич, син
по: животу и дівствованю др
А. грофа Шептицкого, и наш
преосвящени владика др. Дионізий Няради: дівствован-
ню дра А. грофа Шептицкого
за единство церкви. Обидвом ім
зос красну бешеду успело, да
пред вельке слухательство ви-
нешу подполну сіку и вельки
дух метрополити Шептицкого.

Наш преосв. владика прика-
зал роботу дра А. Шептицкого
за идею: да шицки єди о
бууду. За туто идею жили,
цернели и умерали апостоли,
за туто идею робели и робя
шицки архиєреї римски За ню
робели св. Августин, Атанасій,
Тома и т. д. За ню умера и
владика св. Йосафат. Тота идея
водзела марчанских владикох.
Крижанич пре ню умера у Ру-
сії, за ню робя и Соловев и
Штросмаер, а Божа воля по-
вочала на туто роботу и вла-
дiku Andreja. През ёден рок як
владика у Станіславову велью
зробел. Основал бібліотеку у
семінарії, наказув, обіходзі
свойо владичество, па и по го-
рох, кадзи скорей, нога ані ёд-
ного владики не крачала. При-
ходзи за владику до Львову,
дае ше розтвера його велика
душа. Чули за ньюо и Київ и
Москва и Петроград. Ішол вон
таємо, (ище як редовник) до
Русії и основал грекокатолицькі
парохії, дабоме лем тайни, а
вон и по ноци служел служби.
За вельки потреби восточної
церкви писал вон и до Риму.

Вельо вон донес и гу тому, же
шe основала конгрегація за со-
єдиненіє церкви. Особено же
старац да назбера цо вецей
матеріяла за восточни Цер-
кви. За туто циль посыпал
священикох по швеце. И у
Загребу нашол вон даске-
льо таки книжки. Може ише
шлебодно повесц, же таку би-
блиотеку, цо ше одноши на
восточну церкву и восточни во-
проси, нема ніхто на швеце. Но
вон сцел да попри бібліотеки
одхова себе и людзох за вель-
ку идею соєдиненія „Треба
восток гу Правди привесц“ Ру-
сія барс меркує на його робо-
ту и кождому було ясне, же
його у войни ма сцигнуц пер-
ше зло. Вон не сцекал у войни
зос Львова, алб цеин свой на-
род у його нужди. Слухаю го
шицки, па и несоєдинени, а и
почитую го шицки. Но нараз го
влапели и под моцну стражу
и вноци попри йойку народа
бул одпровадзены до Кійова.
Но и ту людзе уж давно о нім
чули, па ше го мушело далей
одвесц. Приводза го тиж вноци
до Ніжнього Новгорода. Ту не
шмел ні зос ким бешедовац ніч
читац. Дали му якушник хи-
жку у штвартим кату. Така
була мажка же, алб стануц право
ніемог (а вельки є, ма вецей
од два метери висини) Ішол
ше вон раз до церкви спове-
дац, а превел народ ше за нім
гарнул, прето ше го мушело
рунці далей. Одведли го до
Куртску, дзе бул 2 роки. Но
тим го одведли до юней цем-
ніци, дзе умерали шицки пред-
ставники поєдиних сектах. Так
и йому було судзедне, да ту
умре. Ані його чуватль не
шмел з нім ніч прегвариц, лем
му кажди дзень доявльовал:
ишка одпадло 100.000 твоїх
вирникох у Галичині. Юрте
дзень би му так исто являл.
Ясно дакле було, же вон бул
засужнены не як политички во-
дитель своєго народа, алб як
грекокатолицькі владика. Тоти

марца 1926. Муши ше одбор-
ніцом „Просвіти“ признац, же
за достойну и таку красну
преславу дали велью труда, но
и успих бул прекрасни, бо вель-
ка дворана хорватского глаз-
беного заводу була цалком пол-
на, як долу так и на галери-

поведал а и то тиж пахне
на войну.

Цо би то могло буц?
Не повем ище!

Алб паце скричал
Штефан — чи то не тата
гвізда? Там ния є до бока
над паноцову хижу

Гей, гей! То вона озвали
ше людзе, у кождому
шерцо баржей задуркало,
бо осетели же бачи Дюра
правду гуторел.

Йой, йой, война будзе
— блядли людзе.

Но не муши буц вона
такой нєшка, або ютре,
годно то прейсц и мешац
и два — мирел людзох бачи
Дюра.

Яй, война-а-а- тресол ше
Штефан. Цо ми буду дзе-
ци и жена. Цо мойо коні?
Хто ми будзе орац? Волел
сом ше не народзиц.

И нарикаюци бежжал Ште-
фан дому. Людзе с посце-
льох поскакали, да видза
цо то за чловек йойчи,
чи го не побели? Но вон
лем кричал: Война, война,
гвізда, гвізда!

За кратки час уж ше
коло бачика Дюри назбे-
рало велью хлопох, женох
и дзецеох. Шицки поростве-
рали уста, да левше чую
и да ані слово не пречую.
А бачи гуторел:

Ишол я юней ноци з
вашару дому. Драга ме во-
дзела прес лес. Вецейраз
сом през тот лес преходзел,
но тей ноци було шицко
чудне. Шицко було мирне,
ані да лісток шушнє. Боже
мой, баш ніч! И мне по-
чал страх лапц. Будзе цо-
шка недобре. У таких ду-
мох и страху я зишол с
правей драги и дошол на
якушник як пажицу, чисци-
ну помедзі лесами. Нараз
цишка шушло, а я, ані сом
ше немал кеди обрациц,
ягод омрачени бухнул на
жем. Длуго я так мушел
лєжац, бо кед сом ше зо-
будзел уж була лем дагдзе
даєдна гвізда. Нараз сом
зачул, ягод да дахто зос
хмарох гутори: Понагляй
дому, буц присвоіх бодлую-
го не будзеш пре войну.

Я знам шицко, цо ше ста-
не. Крев ше будзе ляц,
людзе забивац, на Бога ше
будзе забывац, еден будзе
од другого однімац, но ти
будзеш живи лем у войни
страсциш ногу, а глава ци
будзе през еден рок омо-
тана з повоями, як и моя.
Пач!

Боже! Кед я то пони-
трел, а то глава як брадло
слами, очи як найвекши
бундави, а власи як над у
риту, И я од страху зам-
млел, думаюци, же ме того
чудо сце жесц. Пред пола-
дном ме зобудзел якичик
чловек, а мне и тераз піце
жима була, а по тим сом
одлежал три тижні. Вери-
це ми людзе? Же не, я и-
дзем дому!

Вериме, вериме, алб па-
це, аки ма гвізда красни
и длогоки хвост?

Цо красни? Да ви знае-
цо у нім. Сама отрова! Да
ше ту хвост гу нам спуци,
шицки би зме ше подаве-
ли. А думаце, же ше не мо-
же спущиц? Ище як! Ша-

діда — озвали ше людзе.
Кед же ше справди укаже
така гвізда, вецка будзе
наїске так, як бачи Дюра
гутори.

И я думам, озвал ше и
цешел бачи Дюра, а тераз
идзем дому намиряц. На
вечар ше можеме ту зисц
и чекац туту гвізду. Здра-
ви останьце!

Ходце здрави, з Богом!
И кажди ше задумал над

тим, цо бачи Дюра гуторел.
Правда же велью гуторел,
не муши буц шицко прав-
да, но годно ше дацо и
зисциц.

Кед ше змеркло, уж ше
цале тата друштво зишло
и обчёковало бачика Дюру.
Кед пришол, шицки ше му-
питали, кеди ше гвізда ма
указац.

Коло дзевец годзин. Ма-
ме ище пол годзини часу.
Новини гуторя, же точно у
у дзевец кажди муши ви-
дзиц. Же ше нєшка укаже
гвізда, будзем вам ище
цишка приповедац, цо сом
ище нігда нікому не при-

одпади, цо му чувар доруцал, були видумани. И шмерц му доявели. Но людæе му ту на свой способ доношовали хлеба и вина, да и ту верши свою службу. Зато ше го мушело макнуц, або да го нестане. У тим пришла и 1917. року (12. марта) у Русијеволюция и царство спадло. Вон виходзи цалком племенити. Одталь идзе до Петрограду и Кийову, дæе го триумфаторски дочекую. Приходзи гу мојом св. Йосафата до Бечу, а потим ше враца гу свойому стаду. Велі народ го дочекал и прейг 1000 священикох. Шицко було зијене. Не було ту слова и бешеди, лем плач, бо оцец пришол гу сво-

їм дæецом. Пошол просто до церкви св. Юрия. Кус ше змирел, а вец одходаи до Паризу да ше з владиком Мерспером поросгваря и даци зроби за соединение. Одходзи и до Риму гоч му як чекко. Водзи го велька идея: да шицки едно буду. Идзе вон гоч и ка каргульох.

На концу преслави одшививал збор „Бранимир“ „Ще не вмे-
рла Україна“ и зос тим ше то-
та красна и з велики мораль-
ним успихом обдарена слава
звершела. Кажди вишол зос
дворани цалком задовольного
ліцароздумуюци о справди вель-
кой идеї: да вси едно буду.

Осиф К.

люю ласку за одпушене кари
другим. Хто не зна зос св. Пи-
сма, як праведни Авраам мод-
лел Господа Бога, же би затри-
мал кару на Содому и Гомору.
Г. Бог обещал затримац кару,
кед би у тих варошох нашло
ше 50 праведнікох.

Авраам модлел, же би Бог и
попри меньшим числу правед-
нікох не карал гришнікох. И
зніжел тово число праведнікох
на 45, 40, 30, 20, а на концу
10. Г. Бог обещал каждира, же
прийме Його молбу. Але там
не було ані 5 праведнікох и
прето їх Бог покарал зос ша-
літровим огњом.

Так виш було, же добри дїла
праведнікох наградзovali спра-
ведлівости Божей за кари гри-
шнікох.

Але медзи шицкими добрыма
дїлами шицких святых су и таки,
котри ище не пошли на запла-
чене за других. Тоти добри дїла
зложени су як би до сокро-
вищниці святей Церкви.
Вони ше ище можу употребиц
за одпушене дочасных карох
людзох.

Господь Ісус Христос охаб-
ел тову сокровищницу свой
св. Церкви. У тей сокровищници
находзи ше:

а) ЗАСЛУГИ ТРУДОХ И МО-
ЛІТВОХ ХРИСТА СПАСИТЕ-
ЛЯ; заслуги ѡернъового венца
и кирявого зноу и шицки не-
преповедзени и неоценені дїла,
котри не пошли на одкупене
нашо од вичнай шмерци.

б) До тей сокровищници при-
шли шицки ЗАСЛУГИ, КОТРИ
ПР. ДІВА МАРИЯ НАЗБЕРАЛА
СЕБЕ ЧЕРЕЗ ЛАСКУ ХРИ-
СТОВУ.

Мац Божка тельо ше нацер-
пела и намодлела, так горуцо
любела Бога, а Вона под ніяку
кару не подпадала, бо Вона бу-
ла Пренепорочна и без каждого
особного гриху.

в) До тей сокровищници по-
зберани на далей заслуги ти-
сячох и мільонах св. мученікох,
св. исповиднікох, пустиножите-
льох.

Вона скрива у себе заслуги
подвигох св. Апостолох и
св. Отцох.

У ней наскладані горуци слі-
зи покаяния св. монахах и
монахиньох, чисти молитви
св. дівицох и невиних дзе-
цох, котри ше без гриха пре-
селели з того швета на небо.

До того сокровища зложени
заслуги трудох и борбох св.
епископох, священікох и
вірнікох.

Там ше находзя слізы не-
віно укривдзених;

крести и ѡерпеня шицких
праведнікох, св. милостині
жертволовивих людох зос лю-
бви гу Христу Господу, св. мо-

литви и шицки добри дїла св
душох.

Пред Богом не ідзе марнє
жадне добре дїло християнській
души. Кажде добре слово, добре
жадане, кажда сліза, шицко, цо
пре Бога аробене, Бог то ура-
хує и то людзом хасен приноши.

Таку то сокровищницу доста-
ла св. Церква од Ісуса Христа
и вона ю чува. Преблаги Бог
прима зос тей сокровищниці
одплату и за ю одпушца люд-
зом дочасни кари.

(Далей будзе.)

Берза

Найновин курс цудзей валу-
ти при нас:

Долар 56.85 динари.

Немецка марка 13.54.

Аустрийски шилинг 8

100 франц. франкох 213 динари

100 таліянских лирох 228.

100 швайц. франкох 1095 дин.

100 румунски леї 24.50 дин.

100 бугарских леви 40 динари.

100 чехословачких кр. 168 дин

Еден мільон мадь. кр. 799 дин

Тарговина

Жито 265 дин.

Кукурица 115 дин.

Ярец 135 дин.

Мука 0. 5'25 дин.

Хлебова мука 350 дин.

Отруба 127 дин.

Овес 185 дин.

Маст 21 дин.

Швіні 10—13 дин.

Баранчата 11—13. дин.

Риби 25—35 дин.

Риби дробни 15—24 дин.

Гуски клюкани 17—20 дин.

Гуски худи пар 100—150 дин

Гуски млади пар —— дин.

Качки пар 50—60 дин.

Пульки пар 95—110 дин.

Курчата пар —— дин.

Вайцо 1— дин.

Мухар шено 0'60 - 0'70 дин.

Слама. 0.50 дин.

ОГЛАШУЙЦЕ до „РУСКИХ НОВИНОХ“!

НА ПРЕДАЙ

вшеліякей сорти ў найтуньшай цені
БОГУМИЛ КОНТРА
Стари Брбас.

За редакцию одвитує: Юрий Павич, Војводе Бојовића 2.
Штампарија Изд. Друштва „Даничић“ д. д. (Андра Плавшић) Дунавска улица број 36

Властитель: Рус. Нар. Просв. Дружтво Рус. Крстур (М. Мудри).

